


劭宗賢世講青及

玄介




湖上草

三十七年六月
玄冰在杭作



玉泉



三潭印月



岳 墳

湖上草

三十七年六月玄冰作於杭州

西湖雜詩

三十七首

三七，六，十四——十九、



(南)

波態雲容一世無，尙疑西子遜西湖。
珠明玉潤誰堪比，姑射仙姝冰雪膚。

孤吟爭遣有涯生，乍見明湖雙眼明。
春去縱嫌紅紫盡，尙餘山水慰風情。

山靈應笑我來遲，頗惜尋芳已後時。
簡齋吟囊聊點綴，此行原不枉遊貲。

新蒲似帶碧油油，榴火光中萬綠稠。
乳燕學飛鶯語澀，只賒蟬嘒韻高秋。

來時酷熱襲端陽，到日湖樓雨送涼。
更喜來朝簷霽斷，淡晴天氣

好風光

山眉水眼意如何西子丰神嫵媚多盡日流連看不足細餐秀色付閒哦

風片輕勻襲柳絲岫形嬌小膩藍脂山溫水軟天然好雨洗雲渣又一奇

愛煞波光蘸綠螺果然山色豔於娥（袁中郎西湖雜文有山色如娥花容似酒句）嬌霞一朵湖心墮絕似佳人玉頰酡

一簫一劍盡平生一壑一邱無限情管領煙霞要清福何當斂手謝浮名

趙家迷戀銷金窟半面偏安不自由省得載將花石去汴州畢竟遜杭州

乾隆詩筆多庸俗十景題名亦倖存萬事難求真實好箇中底蘊

與誰論

芳草如茵濃襯履酥風似酒暖薰人煙嵐渲染晴疑雨花木芬腴
夏亦春

最是山嵐設色工翠蒸青染畫難同扁舟棹入空明境漱瀟灑波光
一碧中

湖似美人通體媚山憐騷客到時遲平章煙月餘陳迹檢點風花
入小詩

葉葉風荷瀉露圓依依水荇颭清漣疏鐙隔柳疑藏月小榭凌波
似坐船

瓜皮小艇泛玻璃坐處低和水面齊船遠外湖三四匝溯洄更指
裏湖西

白隄草綠補裙腰（白詩有誰開湖寺西南路草綠裙腰一道斜

之句）輸與蘇隄有六橋好是裏西湖一曲藕花紅煞夕陽嬌
半日遊費幾幾金買舟容與蕩湖陰阮囊漸澀奚囊裕始慰幽尋
一往心

湖山終不負詩人小駐遊驂亦勝因看盡千朱歸一碧臨流顧影
憶前身

湫澱空濛態各殊雨湖終不及晴湖山容半睡輕嵐裏水氣微溫
薄靄鋪

簡簡詩囊淺淺杯生涯寒素稱疏才湖船食飲無珍品只袖瓜犀
杏酪來

五月榴巾炫芰裳箇中風味愛清涼湖心藕粉糖霜潔龍井茶旗
雀舌香

畫舫無篷樣柳碕綠天深處品茶宜人間別有清涼境不到湖心

君不知

曉起湖干蹀躞行紅襟乳燕剪波輕羣峯空翠如新沐又喜今朝
放嫩晴

寶馬香車暮復朝綠煙紅霧兩堤遙木蘭艇子輕搖蕩搖出蘇隄
第幾橋

水軒面面拓疏櫺假寐花欄酒未醒漁唱一聲驚坐起夢痕如縷
落南屏

麝青蛾綠畫應難春影凝愁認黛鬟留與他年補遺憾南來未陟
玉皇山

花簾粉檻閣玲瓏鈿局簫床韻事空綺夜繁燈照繁夢箏琶似雨
出銀櫳

夢回人是看花回玉想瓊情懽作灰小坐湖干倍惆悵幾時愁逐

笑顏開

凌虛衣帶颭回風水珮蓮裳縹緲蹤垂柳似煙煙似夢閒愁都在
眼波中

翠微亭外夕陽妍碎珮叢鈴破鏡煙一霎雲揩湖面淨幾圈雨逗
水渦圓

迎涼喜有晚來風竹榭花廊面面通愛煞木公奇麗句殘陽點葉
作秋紅（馮君木先生回風堂詩有積水彌天帶江色殘陽點葉
作秋紅一聯似此等語不知集中復有幾許真令人愛不忍釋）
銷金鍋是帝王銷此日豪門有福消故把園林添俗氣紅亭占斷
段家橋

金碧輝煌罨畫開斜陽漸展現樓臺如何真色教埋沒裝點湖山
錯費才

人間佳麗萃東南天水涵虛共蔚藍管領湖山吾豈敢得專一壑也情甘

芒鞋竹杖遠紅塵腰脚麤支嬾散身但使湖山無恙在何愁無地著詩人

已作湖濱六日留杭州辭別返明州行裝累贅堪人笑縱有吟囊亦自羞

偕內子凌夫人由甬北附早班汽車抵杭先一日長兒孟顯與其婦向佩璐攜長孫宗徽自秣陵馳至因招次兒仲殊自浙江大學學生宿舍中同詣車站迎入旅館相見歡洽談讌

彌日 三首

爲憐二老少遊遨侍膳陪遊仗汝曹來日湖山好風景定應償我旅途勞

丁年奉使到天涯，破浪將隨博望槎。
挈婦將雛此遊憩，爲迎色笑走風沙。
（兒子孟顯供職外部已久，近有出佐使領之命，定七月初出國赴任，駐荷屬婆羅洲首府坤甸領事館以行期已迫，未及一歸子舍，因約予等同作杭游以謀一面）
更邀阿弟話天倫，扶杖殷勤共侍親。
小住也忘身是客，他州歡聚一家人。

渡曹娥江 三七，六，十三、

舜水娥江照眼明，晴川曉日早潮平。
下車問渡徘徊處，白鳥掠波雙羽輕。

紹興

嫵媚雄奇兩足稱，平疇百里間岡陵。
石牌矗立人煙密，遙指名城是紹興。

蕭山

輕車飄瞥過蕭山城郭玲瓏水一灣
隔岸西興烟黛媚遠峯愛煞
玉孌顏

渡錢江

澹雲薄霧渡錢江鬱怒潮聲氣不降
橋影長虹蜿蜒過晴波滉碧
湧車窗

夜宿杭市某旅館

昨宵甬北困炎蒸今夜杭州聽雨聲
涼意沁人冰簟滑夢回閒數
短長更

汪莊

玲瓏山石影清池意致蕭疏點綴奇
小隱林泉期異日鷗盟姑約
十年遲

淨慈寺

淨慈明代盛佳什憶中郎水月涵禪趣湖山作道場客來鐘梵寂
春去草花香蓮洞停橈處品茶神味長

花港

花港已無花唼花魚亦少觀魚憶濠梁靜趣生微妙

蔣莊

蔣莊芍藥早開殘滴翠孤亭匝假山小萬柳堂消夏地綠雲窈窕
隱烟鬟

三潭印月

島中還有島湖外更添湖夏木千章鬱風荷十丈鋪寫真誌鴻雪
(與家人子孫合攝一影)招隱憶菰蘆遲暮思行樂清遊得已無

其二

接天蓮葉盡田田白藕花香泛碧漣月印潭心波自定却憐花月
闕嬋娟

湖心亭

湖心亭外望一片晶微茫白鳥飛青鏡紅蓮拂綠楊
撩衣荷芰氣洗眼水雲光心境雙清處徘徊意自涼

夕照寺

雷峯塔已圯夕照寺猶存斜陽看晚惆悵近黃昏

岳廟

天地英雄氣千秋見典型冤沈三字獄痛切小朝廷廟貌儼猶昔
神旗颯有靈祇今餘憤慨惇史永垂青

靈隱寺

卽雲林寺

叢林傳梵唄精舍盛香煙路入三摩地巖通一線天此來非禮佛

老去或耽禪竹柏陰森地聞鶯獨悄然

理安寺二首

意行偶過九溪曲雲影脩脩竹翠濃記得樊山奇絕句前身曾打
理安鐘（樊雲門早年有湖上雜詩十餘絕其第二首云松水依
稀似舊容前身曾打理安鐘卅年何限紅塵夢消盡茶條草屨中
語殊玄妙）

前身我或亦詩僧一落塵埃鞅掌增願把微才還我佛他生莫更
戀書燈

平湖秋月

荷錢稠疊榆錢小柳榭苔碯旖旎陰他日重遊須是夜要看秋月
點湖心

柳浪聞鶯

風疏微有浪日午不聞鶯勝景傷搖落春韶戀尾聲

孤山林處士墓暨放鶴亭故址

處士高風在名留放鶴亭梅花千樹白野史萬年青之子已長往
仙蹤空窅冥暗香疏影句七字永流馨

馮小青墓

小青埋玉處蘇小作芳隣薄命緣情誤離魂祇影親溫磨才媛淚
慘淡野蕪春冉冉斜陽冷傷心泣白蘋

湖濱晚步

晚步聖湖邊沿隄柳颭煙月懸西子鏡霞暈美人天漁唱風中笛
螢燈水上船浮家期異日小住亦良緣

香山洞

白沙山麓下古洞氣氤氲法雨霏花雨慈雲卽嶺雲覺迷修正觀

示現了聲聞泉壑瓏璵處梅檀百和熏

紫雲洞

陰磴蔓斜顫石樓雲倒垂泉紋細鏤玉崖影冷凝肌
紫曲迷香處雲於巖竇飛濛濛泉細灑疑是雨霏微

玉泉 九首

有山號玉泉有寺曰清漣水木何明瑟花林自靜淵
花壓玻璃水蘋藏翡翠魚鱗紛復絡繹逐影向空虛
安知我非魚我自知魚樂魚我并相忘神游魚樂國
相戲蓮南北宛在水中央儻然掉尾遊樂哉何洋洋
二尺鯉魚肥五彩錦鱗豔下上爭唼喋鰓輔見喁噉
攝影臨明沼人魚同一照含飴喜抱孫投餌向魚笑
玉泉本非泉西湖亦非湖欲知泉卽湖君問泉中魚

竹杖倚吟邊鐘魚出木顛蒲團落花滿小坐意中禪
冰蠶絲未盡過此忽思君彈指成陰恨櫻心惜誓文

裏西湖梅廬訪薇泉

遶湖訪吾友佳構有梅廬雋語排愁出高文信手攄會追眞率舊
(君任省通志館編纂公暇嘗與同文結社唱和)緒挹古懽餘詩
境偏宜稱初陽映綠藻

前年逢滬上重見在杭州骨肉斯文契瘡痕徧地憂
好修翻是累遵養便須休酌我蓮筒酒清譚一浣愁

西泠印社

浙派論印人端推丁敬身琳琅度金石瓌屑錄琦珍四照望湖閣
三碑拾漢湮小休瞻藝苑古趣慰沉淪

秋瑾女士墓

鑑湖早茁自由花劍氣珠光溢寶珈翹首橫刀天亦泣榴裙碧血
濺丹霞

秋風秋雨悵西泠彤史長垂別樣青湖上一坏埋碧血英雄幾輩
拜坟亭

蘇曼殊墓 八首

阿師東國子依母歸支那少習佞盧字詩殊斛律歌
斷鴻零雁記身世淒辛多情復多病懺綺淚痕新
命比黃仲則詩如龔定庵不衫亦不履才氣壓東南
綺語佛所戒况愛善女人風流莽和尚一味貪癡嘆
泣送彈等人袈裟點櫻瓣頑豔出哀忱情禪演奇幻
劉三君知己患難輒贈貲飽喫杭州飯細做西湖詩
遺詩八十首字字奇芬溢盪氣復迴腸蚤年嗜成癖

瞻禮詩僧墓徘徊不忍離心香成默契風雨寄相思

15080

自三十七年六月十三日至十九日凡七日之間共作近體詩八十七首

湖上草

一七

湖
上
草

一
八

12080

42

2

6926
1918 8